



Universitätsbibliothek Paderborn

Nicolai Mazzotta *theologia moralis*

omnem rem moralem absolutissime complectens

Mazzotta, Nicolò

Augustae Vindelicorum & Cracoviae, 1756

§. II. Quid de impotentia physica?

urn:nbn:de:hbz:466:1-41004

confiteri per interpretem; sed optime monet Averl. teneri tunc per illum confiteri aliquod saltem veniale, ob majorem securitatem salutis: & Dian. suadet, sic etiam tunc contenda omnia, cum non sit certum non adesse obligationem ad hoc ex præcepto divino.

IV. Magnus concursus pœnitentium non est causa moralis sufficiens dimidiandi confessionem, ex Propos. 59. damn. ab Inn. XI. *Licet Sacramentaliter absolvere dimidiate tantum confessos ratione magni concursus pœnitentium, qualis v. g. potest contingere in die magnæ alicujus festivitatis, aut indulgentiæ; adhuc tamen putat Lumb. sufficere, si tunc sit pœnitens non redditurus ad confessionem, vel accedat peregrinus non bene examinatus, qui abire statim debeat: sed hoc negat merito Carden. nisi etiam adsit impossibilitas moralis, qualis esset, si ille esset valde rufus, nec alias posset confiteri; hic enim, si solitus sit confiteri generice tantum non explicando species peccatorum, posset tunc Confessarius audire peccata ab ultima confessione, & rudi aliqua cognitione præcedentium eum absolvere: Laym. l. 5. t. 6. c. 9. n. 4.*

§. II.

Quid de impotentia physica?

I. **H**ec est in periculo mortis, in quo non sit tempus consitendi omnia, ut in naufragio, terramotu, prælio, aut alio simili; tunc enim sufficit dicere tantum in genere, *Accuso me de peccatis meis;* Doctores communiter ex Rit. Romano. Imo, quando imminent periculum aliud non permittat, possunt multi simul dolorem ostendere Sacerdoti, & sic omnes simul absolvii. Addunt tamen Con. Lug. Tamb. & alii, quod, quamvis tunc neque obliget publica confessio, tamen pro majori securitate expedit, ut quisque manifestet aliquod saltem veniale in specie, de quo minus erubescit, ut sic ab illo directe absolvatur, & indirecte à reliquis. Idem proportionaliter dic pro tempore pestis; si enim Confessarius accedens ad pestiferum non possit immorari ob periculum contagii, poterit unum tantum peccatum audire, & absolvere: illud tamen debet esse mortale, si sit in conscientia, quia, cum sit materia necessaria, debet dici, si potest. At, si ob tale periculum non possit Confessarius accedere, satis est dicere publice aliquod veniale, ut supra, & sic absolvii: v. Laym. l. 5. t. 6. c. 13.

II. Et

II. Est in articulo mortis, quando probabile periculum est, ne infirmus ante absolutionem moriatur, vel plus animo debilitetur, vel mortem acceleret: sufficit etiam unum mortale, aut, si hoc non habet, veniale fateri Confessario, & sic absolvit: Doctores communiter. Quod si non possit in specie, dicat saltem in genere, *Peccavi graviter*; & si neque hoc totum, proferre possit, dicat, *Peccavi*: si nec loqui possit, det signum doloris, vel desiderii absolutionis, puta, tundat pectus, vel manum Confessarii stringat, vel interroganti annuat, quia sic etiam habetur sufficiens confessio sensibilis, & accusatio externa. Itemque est, si oculos ad cœlum tollat, si Sacram Imaginem devote intueatur, &c. Si autem dubium sit de signo aliquo, absolvendus est sub conditione; quia probabile est, illud esse signum pœnitentiæ, cum probabile sit, quemlibet etiam scelestissimum in eo articulo velle remedium animæ suæ, idque eo signo, cum aliter nequeat, manifestare: Doctores communiter. Quod si Confessarius eum inveniat lapsum in lethargum, phrenesim, aut etiam in delirio dicentem, se nolle absolvit, potest, ac debet pariter absolvere, si unus saltem sive dignus testetur, eum antea petivisse absolutionem, aut dedisse aliquod ex prædictis signis, quia sufficit confiteri per alium, uti per interpretem: & non est certum, se retractasse, aut confessionem sensibilem non perseverare moraliter, Moya, Aver. Dian & alii communiter, ex Rit. Rom. de Pœnit. c. ult. Addunt etiam sufficere, si id testetur hæreticus, vel infidelis, quia præsumi non potest, quod hi dicant falsum, ut fiat Sacramentum. Addunt etiam sufficere, si testis referens Sacerdoti id tantum audierit ex relatione alterius. Addunt demum etiam sufficere, si testis hoc dixerit absens à moribundo, ad quem deinde accedit solus Sacerdos.

Difficultas maxima est, si hic talis neque per se, neque per alium dederit signum pœnitentiæ? Quia in re dicendum est, quod, si certum fit, nullum prorsus signum dedisse, non possit ne sub conditione quidem absolvit; quia tunc certum est, absolutionem fore nullam, cum confessio aliqua externa sit de essentia Sacramenti: Doctores communiter, præsertim Societatis Jesu, quibus in ratione studiorum prohibitum est docere hanc thesim: *Moribundus, et si nullum signum det, aut dederit contritionis, adeo ut Sacerdos, nec sciat, nec prudenter putare possit, præcessisse sensibilem aliquam confessionem, absolvit*

absolvi potest. Talis certitudo haberetur, cum ille vi-
xerit infidelis, vel haereticus, aut in eo articulo ex-
prefte diceret nolle confiteri, velle mori in peccato, &c.
& haec dicat, aut faciat non delirans, sed utens ratione.
At, si haec certitudo indispositionis non sit, sed ita im-
proviso mortis articulo quis obruatur, ut nullum signum
externum dare possit doloris, &c. Lug. Haun. Moya,
Pallav. & alii dicunt, sufficere vitam christiane ante
ductam, & confessiones saepe ante factas in signum ex-
ternum doloris praesentis, quem etiam probabile est in-
terne habere. Negant Ills. & alii, quia vita christiane
anteacta, &c. non est signum externum, quo ille active
manifestet dolorem praesentem; aliter frustra, & dece-
ptorie Concilia, & Canones requirerent in moribundo
aliud signum, quod vel ipse Sacerdos viderit, vel de
quo alii testentur.

Dico tamen, posse hunc absolvi sub conditione, quia
sufficit quocunque signum externum doloris, quamvis
a Sacerdote clare non cognitum, sed sub dubio tantum
prae sumptum; Avers. f. 19. & alii dicentes, *Locum du-
bitandi adesse, quandocumque non constat oppositum.* At
qui in casu posito, cum non constet oppositum, prae-
sumi potest, illum dare hoc signum; nam nescitur, an non
utatur ratione, & tales moribundi ordinarie dant extre-
ma aliqua signa, quae possunt, quibus forte manifestare
volunt suum dolorem, quale signum esse potest etiam
ipso anxia respiratio moribundis omnibus consueta: ergo
absolvi potest conditionate, cum sic nec fiat injuria Sa-
cramento, & succurratur extremæ necessirati. Unde,
si potest, debet ex gravi obligatione charitatis ita ab-
solvi: Moya, Sanchez, & alii multi. Quando autem
C. & C. requirunt aliud signum, loquuntur de
absolutione absoluta, non de conditionata, ut fertur etiam
hanc contulisse ipsum Clem. VIII. cuidam decidenti e
fabrica D. Petri, dicendo, *Si capax es, absolvō te à pa-
catis tuis.* Idem dicunt Ponc. Gorm. & alii multi contra
Boſc. etiam si is antehac male vixisset; quia sufficit, si con-
stet, fuisse Catholicum, ut habeatur aliqua saltem tenuis
probabilitas accipendi motus, quos facit, in signum do-
loris. Unde etiam infert Gorm. num. 226. quod, licet
quis actualiter peccando subito destitueretur sensibus,
regulariter sine absolutione dimitti non deberet: &
Tamb. Carden. aliique addunt, Catholicum in duello,
vel adulterio confessum, si super sit aliquid temporis ante
mortem,

mortein, vix dimittendum sine absolutione sub conditione. Secus vero, si sit infidelis, vel hæreticus, quia ille est omnino incapax, hic certe dispositus, nisi vero ferio antea dixerit, se velle mori ritu catholico. Denique, si quis adveniente Sacerdote sit mortuus, certum est, non posse Sacramentaliter absolvi, quamvis antea dedisset signa pœnitentiae, cap. *Multiplex* 49. *de Pœnit.* d. i. quia non est amplius in statu viæ: neque citetur in oppositum Opusc. 65. D. Th. nam hoc falso ei adscribitur: Moy. n. 16. neque citentur aliqui Medici dicentes, animam rationalem manere etiam uno, vel altero quadrante post mortem vulgariter existimatam; nam ea opinio est communiter improbabilis; si autem auctoritate, vel ratione fieret alicui saltem dubie probabilis, posset is absolvere sub conditione.

QUÆSTIO V.

De Operis Satisfactione.

OPERIS satisfactione, ut vocatur à Florentino, est Executio pœnitentiae impositæ à Confessario: ideoque est pars hujus Sacramenti, non quidem essentialis, cum sine illa adhuc sit essentialiter validum; sed certe integralis pertinens ad integrum ejus complementum. Hinc dicitur pœnitentia Sacramentalis, & causat ex opere operato remissionem pœnæ temporalis, non quidem omnis omnino, cum hoc sit proprium baptismi, sed certe majoris, quam si fieret sine Sacramento. Dividitur autem in mere pœnale, seu vindicativam culpæ præteritæ, & in medicinalem, seu præservativam etiam à culpa futura. Videnda hic est ejus impositio, acceptatio, executio, & commutatio; tum demum satisfactio per Indulgentias.

CAPUT I.

Quid de impositione Pœnitentiae?

DICO primo: Confessarius absolvens tenetur impone re pœnitentiam: Doctores communiter. Ratio est,